



UNIVERSITÄTS-  
BIBLIOTHEK  
PADERBORN

# **Semita Perfectionis Purgativa, Illuminativa, Et Unitiva**

**Dirckinck, Johann**

**Coloniae Agrippinae, 1705**

**VD18 15298639**

4. Cognitio & amor SS. Trinitatis.

---

---

**Nutzungsbedingungen**

[urn:nbn:de:hbz:466:1-55242](https://nbn-resolving.org/urn:nbn:de:hbz:466:1-55242)

II. Diligam Te Virtus animæ meæ! Veni gaudium spiritûs mei! Videam Te lætitiâ cordis mei! S. Aug. soliloq. c. 1.

III. O Deus meus & omnia! Diligo Te super omnia. S. Franc. Seraph.

## PASSUS IV.

Cognitio & Dilectio SS.  
Trinitatis.

### TEXTUS.

*Tres sunt, qui testimonium dant  
in cœlo, Pater, Verbum, &  
Spiritus Sanctus, & hi tres  
unum sunt. 1. Joan. 5.*

### Cognitio.

I. **T**U ô Deus, unus es in essentia seu natura, & trinus in personis, Pater, Filius, & Spiritus sanctus: ita ut nec summa unitas auferat trinitatem, nec vera trinitas tollat unitatem. Tu Pater es Deus, tu Fili es Deus, tu Spiritus sancte es Deus; & tamen non estis tres Dii, sed unus Deus, unus Dominus, unus Bonus, unus Omnipotens. In Te ô Unitrine Deus, nulla est prio-

prioritas, nulla inæqualitas, nulla mutabilitas, nulla diversitas; sed omnimoda æqualitas ac stabilitas.

II. Tu Deus Pater, principium es absque principio: Tu es ingenitus, quia procedis à nullo; sed tuam naturam Divinam & substantiam sine omni divisione & imperfectione communicas: dum enim teipsum, infinitam perfectionem, potentiam, pulchritudinem, & quidquid extra te efficere potes, evidentissimè & perfectissimè ab æterno intelligis, conceptum tuû clarissimum, perfectissimûmque producis: & hic conceptus est Filius tuus, Verbum tuum, imago tua, naturam tuam & substantiam communicans, adeò tibi similis, ut sit unus idèmq; tecum.

III. Et tu Fili Dei, es Unigenitus Patris & unicus, quia alius nec fuit, nec esse potest. Tu genitus es à Patre sine matre, à quo accipis bonum infinitum. Tu figura & imago Patris es perfectissima. Tu Verbum Patris, & Sapientia vera, ex ore Altissimi procedens, hæres es univerforum, per quem fecit & sæcula.

IV. Tu quoque ô Sancte Spiritus! à Patre & Filio, tanquam ab uno principio, æternâ processione, procedis. Tu per excellentiam es Spiritus, quia summâ voluptate hauris spiritum & vitam duorum,

à quibus procedis. Tu es Spiritus Patris, à quo accipis divinitatem & omnipotentiam : Tu es Spiritus Filii, à quo eandem accipis divinitatem, & sapientiam. Tu es Spiritus utriusque, à quo accipis infinitum amorem, & illos eodem diligis amore, quo ab illis diligeris. Tu es propriè spiritus, quia procedis tanquam impetus & impulsus à benevola Patris & Filii voluntate. Tu denique es etiam sanctus: quia es charitas increata, & fons sanctitatis.

*Dilectio & Petitio.*

O Pater luminum ! à quo procedit lux vera, quæ est Filius tuus, splendor infinitæ gloriæ, & candor lucis æternæ, illustra me, ut cognoscam Te ; accende me charitate, ut filiali Te amore complectar, & inter filios tuos adoptivos numerari merear.

O Fili Dei unigenite, fac ut sincero amore Te diligam, evadamque filius lucis, in hac vita ; & obtineam lumen gloriæ, quo clarè videam & amem Te in altera. O si me tibi quodammodo faceres similem in eo, quod est esse Filium! nam *si filij & heredes, heredes quidem Dei, cohæredes autem Christi.*  
Ad Gal. c. 4.

O Sancte Spiritus ! Spiritus amoris, Tu quoque fac, ut Te diligam, spiritum tuum hauriam, ac totus in spiritum amoris conver-

vertar! O si à Te procederet impetus, qui cor meum penetrans, illud raperet, tuoque conjungeret, & ex utroque unum per amorem efficeret! O fons & donum sanctitatis, da mihi Te donum infinitum, ut eo dono, & ego sim spiritus in puritate, & sanctus in charitate.

*Aspirationes.*

I. *In nomine Patris, & Filij, & Spiritus Sancti, Matth. 23 19. Omnia in hoc nomine, laude, gloria & honore.*

II. *Te Deum Patrem ingenitum, Te Filium Unigenitum, Te Spiritum Sanctum Paracletum, sanctam & individuum Trinitatem, toto corde & ore confitemur, laudamus atque benedicimus. Tibi gloria in secula seculorum. Amen. S. Aug. in med. c. 11.*

III. *Gloria Patri, & Filio, & Spiritui sancto, sicut erat in principio, &c.*

PASSUS V.

Cognitio & Dilectio Æternitatis.

TEXTUS.

*Priusquam montes fierent, aut*